

大乘止觀釋要

卷之三

C40  
4514  
(96)




80

1 2 3 4 5 6 7 8 9 10 1 2 3 4 5 6 7 8 9 10

C40-4514

丁翁上座請文以及古  
家書及武書  
武微英塔院及廣中未  
為學者不敢許出院內  
當山世鐵牛機謹啟



B. 64853

刻大乘止觀釋要序

三品酒

戴

夫大乘者。心性之異名也。止觀者。乘  
焰之異名也。世乃離心性而別立大乘。  
離止觀而別談寂焰。何異騎牛覓  
牛。丙丁童子求火。爭。儒者之道。  
有見而知之。有向而知之。佛道亦

然北宣大師悟中輪四句偈義直接  
龍樹心印一傳于南嶽再傳于天台  
天台述為摩訶止觀等書。繇是止觀  
法門始盛聞于世。頓漸不定三轍並  
圓。顧南嶽所示曲授心要。世皆罔聞。今  
試細讀。實以爲圓三止觀總綱。文不繁而

義已備。猶慈雲懺主于五百年後序  
而刊之。今又將五百年。微言將  
絕。予愧不敏。未得開道。姑效盲人摸  
象。述爲釋要。以助其傳。稿脫已經二  
載。適因弘以留都。李石蘭張孺含  
居士始集。而外緣而付諸梓。有以知此。

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 90

方人士風植大乘種子不淺也。故復序其緣起以弁簡端。

崇禎甲申季春望日鷄谷智旭書于普德講堂



南嶽禪師大乘止觀原序

天竺寺沙門遵式述

止觀用也本乎明靜明靜德也本乎一性性體本覺謂之明覺體本寂謂之靜明靜不二謂之體體無所分則明靜安寄體無不備則明靜斯在語體則非一而常一語德乃不二而常二祇分而不分祇一而不一耳體德無改疆名爲萬法之性體德無住疆名爲萬法之本萬法者復何謂也謂舉體明靜之所爲也何其然乎良由無始本覺之明疆照照庄而自惑謂

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

之昏。無始無住之本隨緣緣起而自亂。謂之動。昏動既作。萬法生焉。捏目空花豈是他物。故云不變隨緣名之爲心。隨緣不變名之爲性。心昏動也。性明靜也。若知無始卽明而爲昏故可了。今卽動而爲靜。于是聖人見其昏動可卽也。明靜可復也。故因靜以訓止止其動也。因明以教觀觀其昏也。使其究一念卽動而靜卽昏而明。昏動既息萬法自亡。但存乎明靜之體矣。是爲圓頓。是爲無作。是如來行。是照性成脩脩成而用廢誰論止觀體顯而性泯亦無明靜。豁然誰

寄無所名焉。爲示物首歸止成謂之解脫觀成謂之般若體顯謂之法身。是三卽一。是一卽三。如伊三點。如天三目。非縱橫也。非一異也。是爲不思議三德。是爲大般涅槃也。嗚呼。此法自鶴林韜光授大迦葉。迦葉授之阿難。阿難而下。燈燈相屬。至第十一馬鳴。鳴授龍樹。樹以此法寄言于中。觀論論度東夏。獨淮河慧文禪師解之。授南嶽大師。南嶽從而照心。卽復子性。獲六根清淨。位鄰乎聖。斯止觀之用驗矣。我大師惜其無聞後代。從大悲心。出此數萬言。目爲大乘止

觀亦名一乘。亦名曲示心要。分爲三卷。初卷開止觀之解。次卷示止觀之行。解行備矣。猶目足焉。俾我安安不遷。而運到清涼池。慮斯文也。歲月遼遠。因韜晦于海外。道將復行也。果咸平三祀。日本國圓通大師寂照。錫背扶桑。杯汎諸夏。旣登鄧嶺。解篋出卷。天竺沙門遵式首而得之。度支外郎朱公頓。冠首序。出俸錢。模板廣而行之。大矣哉。斯法也。始自西傳。猶月之生。今復東返。猶日之升。素影圓暉。終環回于我土也。因序大略。以紀顯晦耳。

### 大乘止觀法門釋要卷第一

火燄七丈變身降臨明鏡古吳沙門智旭述

夫佛祖授受不過以心印心。此心之體。即是大乘欲證大乘。莫若止觀。止則不隨妄想。而一相永淨。大觀則不滯空寂。而妙用恒興。頓了諸法觸處皆通。可謂成菩提於彈指功。越僧祇入法界於微塵。理絕分量者也。粵自大師曲授之後。韜晦海東。逮夫咸平復歸之時。重暉斯土。不謂延至今時。又將置諸高閣。習台宗者。尚多逐流而迷源。稟異傳者。寧

知探本而攝末。自惟闇昧解行俱荒竊。仰靈文饑渴方甚。是以輒忘固陋。略辨旨歸。將釋法門大文爲二。初題目。二入文。明曲外之公譯經東張夫

**甲** 初中又二。初正釋題。二出師號。 ⑦ 今初  
**大乘止觀法門**

總題六字。具有能起所起能依所依能通所通能  
 縱所縱能簡所簡能成所成能詮所詮能解所解  
 八雙十六隻義。初能起者所謂大乘梵語名摩訶  
 衍。卽是衆生自性清淨心。依此能起止觀法門。蓋

衆生心性本來寂炤。繇寂義故能起妙止。繇炤義  
 故能起妙觀也。二所起者。卽止觀法門。迺三世諸  
 佛。背塵合覺之要術。良以衆生心性本來寂炤然  
 但有性德。未有修德。不覺念起。而有無明。念起便  
 成動。相違於本寂無明。便成昧相。違於本炤。遂舉  
 心性之全體。而爲阿梨耶識。名爲業相。此則全真  
 成妄。妄分能所能名。轉相所名。現相三細。旣呈六  
 羈隨具。惑業苦三連環不息。苦極思本。返察苦源。  
 知苦無性。繇於惑業。惑業無性。有而非有。惟是一

心諸妄永寂。名之爲止。知無性苦及與惑業。非有而有。差別萬殊。洞明緣起。亦惟一心大用。繁興名之爲觀。此二皆依大乘。自性清淨心而得起也。三能依者。即是止觀。謂緣意識能知名義。故聞說諸法。自性寂靜。本來無相。但以虛妄因緣。非有似有。然復有卽非有。惟是一心。亦無心相可取。如是意識能解了。故攀緣永息。說名爲止。如理觀察。說名爲觀。當知修止觀者。則是意識之功能也。四所依者。謂以大乘。自性清淨心爲依止。故依本寂義。而

修於止。依本焰義。而修於觀。當知修止觀者。必以心性爲所依也。五能通者。謂止觀法門。此復有三。以教爲門。能成聞慧。以行爲門。能成思慧。以理爲門。能成修慧。是中約分別性以修止觀。一往是教爲門。約依他性以修止觀。一往是行爲門。約真實性以修止觀。一往是理爲門也。六所通者。謂大乘。自性清淨心。此亦有三。所謂理乘。隨乘。得乘。一往爲語。隨乘是觀門所通。得乘是止門所通。理乘是止觀。不二門所通也。復次大乘亦可名能通止觀。

法華正觀釋題一

亦可名所通。以教爲乘。通至相似止觀。以行爲乘。通至分真止觀。以理爲乘。通至究竟止觀也。七能。繇者。謂大乘止觀。此復三義。大三義者。謂大多勝。乘三義者。謂理隨得。止三義者。謂止息義。停止義。不止止義。觀三義者。謂觀穿義。觀達義。不觀觀義。衆生現前一念自性清淨心體。絕對待故大。具足諸法故多。無法可比故勝。性具三義名理。乘悟達三義名。隨乘契合三義名得乘。體此三義一心。徧能息滅見思塵沙無明幻惑。名止息義。安住三諦。

不思議境名停止義。實無能息所息能停所停之殊名。不止止義。了此一心三義。徧能穿徹三惑蔽障。名觀穿義。具知一境三諦平等差別因緣。名觀達義。實無能穿所穿能達所達之殊名。不觀觀義。惟此大乘止觀。能繇圓教圓行圓理之門也。八所繇者。謂大乘法門。三千性相。俱名爲法。卽法能通。復名爲門。諸法之性。非有非無。非亦有無。非非有無。四句圓離。亡泯清淨。悉檀說之。得具四門。四非定四。一一圓融通爲止觀之所繇也。若欲粗點示

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

者約染分分別性修止觀。是繇空門。約染分依他性修止觀。是繇有門。約淨分三性修止觀。是繇非有非空門。亦可約分別性。是有門。約依他性是雙亦門。約真實性是空門。亦可一一性各論四門。以三性咸離四句。咸得四句說之故也。又修止是繇空門。修觀是繇有門。止觀雙行。是繇雙亦門及雙非門。爲令易解。作此分別。得意爲言。一門一切門。一切門一門。方是所繇大乘門也。九能簡者謂大乘二字。

簡非諸餘止觀法門。十所簡者謂止觀法門。有於多種。若體真止入空觀。但能自度。不能度人。不名大乘。若方便隨緣止出假觀。雖能度人。不到究竟。若二止爲方便。得入息二邊分別止。二觀爲方便。得入中道第一義觀。一往說是大乘。然次第歷別。則前二不高。後一不廣。亦不名大。在因能運至果。休息復不名乘。今依自性清淨心而爲依止。卽動而靜。卽昏而明。定慧力莊嚴。以此度衆生。盡未來際無二際想。方是大乘之止觀也。十一能成者謂

繇妙止觀力克證大乘自性清淨平等一實之心。十二所成者謂本源自性清淨心大乘無上極果爲妙止觀之所證得。因該果海果徹因源也。十三能詮者總此六字皆是能詮。大能詮於體相用三絕待之義。乘能詮於從因至果自度度他之義。止能詮於會妄歸真之義。觀能詮於卽體起用之義。法能詮於軌物任持之義。門能詮於就路通家之義。十四所詮者謂卽此字下所顯之義能起吾人聞思修慧。十五能解者謂識心明利故因文得義。

不同牛羊眼視莫辨旨歸。十六所解者謂名句。文身是聞慧所行之境。迺至慧力殊勝故則能廣歷一切六塵諸境悉於其中得見。大乘止觀法門也。若欲五重說者卽是以法爲名。自性清淨心爲體。止觀爲宗。除障得益爲用。無上醍醐爲相。

(2) 二出師號

南嶽思大禪師曲授心要  
師諱慧思姓李氏元魏南豫州武津人也。兒童時夢梵僧勉令入道。嘗於空塚及移託古城鑿穴棲

身。除乞食緣晝夜讀法華經。頂禮精勤不事寢息。

久雨濕蒸。舉身浮腫。忍心向經。忽爾消磨。又夢普

## 大乘止觀釋要一

賢乘白象王摩頂所摩頂上隱起肉髻。年十五出

家受具。夢二十四僧爲加羯磨圓滿戒法。因讀妙

勝定經見讚美禪定。乃徧親禪學。後謁北齊慧文

大師。咨受口訣。授以觀心之法。坐禪達旦。遂動八

觸。因見三生行道之迹。夏竟將受歲。放身倚壁。豁

然大悟法華三昧。此後弘通大乘。初河南兗州次

郢州。次光州開岳寺。次大蘇山。每講大般若經。時

爲諸惡論師。競以毒藥欲斷師命。師一心念般若。毒卽爲消。繇此發願造金字大品般若經及法華經。造畢。製願文一卷。命弟子智顥代講。至一心具萬行。忽有所疑。師曰。如汝疑者。迺大品次第意耳。未是法華圓頓旨也。吾昔於夏中。一念頓證諸法現前。吾旣身證。不必有疑。顥問所證是十地耶。曰。吾一生望入銅輪以領徒太早。損已益他。但居鐵輪耳。後避地居南嶽。登祝融峰。遇嶽神會棋。神詣師曰。師何來此。師曰。求檀越一坐具地。神曰。諾。卽

飛錫以定其處。

今福嚴寺是

神曰。師已占福地。弟子當

何所居。師卽轉一石鼓下。逢平地而止。

今嶽君塑像。猶在石鼓之上。

嶽神乞戒。師卽爲說法要。師將順世。大集門

學。連日說法。苦切寒心。廻白。若有十人不惜身命。

常修法華般舟方等懺悔。常坐苦行者。隨有所須。

吾自供給。如無此人。吾當遠去。竟無答者。卽屏衆

歛念。將入寂。弟子靈辨不覺號哭。師訶之曰。惡魔

出去。衆聖相迎。方論受生處。何驚吾耶。卽端坐唱

佛來迎。合掌而逝。顏色如生。異香滿室。陳大建九

年六月二十二日也。壽六十三。夏四十九。師身相

挺特。耳有重輪。頂有肉髻。牛行象步。不倚不斜。平

昔禦寒。惟一艾衲。繪纊之屬。一切不受。所居之處。

靈瑞重沓。供物嚴備。瓶水自滿。有諸天童以爲侍

衛。或現形大小。或寂爾藏身。異香勝迹。不可勝紀。

已上出天台山方外志 今言思大禪師者。後人尊稱之辭。言

曲授心要者。以觀心之要。不過止觀體狀。今爲偏

決衆疑。故說前後諸文。又初文略說止觀。義無不了。次文廣作分別。皆是曲垂開示也。按此法門。唐

末流散海外。有宋咸平三年。日本國寂炤持此本至四明。慈雲師得之。爲作序流通云。

(甲)入文爲三。初畧標大綱。二廣作分別。三歷事指點。

(乙)初中三。初一番問答。泛標正法。第二番問答。標宗大乘。第三番問答。標示止觀。

丙 初中又二。初問二答。

(丁)今初

有人問沙門曰。夫稟性斯質。託修異焉。但匠有殊彫。故器成不一。吾聞大德洞於究竟之理。鑑於玄廓之宗。故以策修冀聞正法爾。

沙門以勤息爲義。廻出家之都名。不改名性。卽指自性清淨心。一期果報五陰名質。有其質者必稟其性。所謂性相近也。所緣名託。造進爲修。隨於染淨緣。成逆順二修。遂有十界差別之果。所謂習相遠也。匠喻師友。彫喻訓誨。器喻學人。秉教修行。所尅之果不一者。三乘七方便等種種差別也。究竟之理。指本性言。玄廓之宗。指妙修言。玄則不滯於淺近。廓則不局於偏隅。不滯不局。乃名正法。蓋已密。請大乘止觀法門矣。

大乘止觀釋要一

## (丁)二答

沙門曰。余雖幼染繙風。少餐道味。但下愚難改。行理無沾。今辱子之間。莫知何說也。

此謙退以觀機也。染繙風。餐道味。是明其習於正教。下愚難改。是謙言未臻行理。繇行理無沾。所以不能懸鑑他心。莫知問者欲何所說。然大師示居鐵輪。已屬行位。今言無沾。實謙辭耳。

## (丙)第二番問答亦二。初問。二答。(丁)今初

外人曰。唯然大德願無憚勞。爲說大乘行法。謹卽奉

持不敢遺忘。

未達惟心。心遊理外。名爲外人。發大乘心。求大乘法。斯可與言大乘矣。

## (丁)二答

沙門曰。善哉佛子。迺能發是無上之心。樂聞大乘行法。汝今卽時已超三乘境界。況欲聞而行乎。然雖發是勝心。要藉行成其德。但行法萬差。入道非一。今且依經論爲子略說大乘止觀二門。依此法故。速能成汝之所願也。

能發大心。便名佛子。以其堪紹佛位故也。昔有羅漢畜一沙彌。沙彌忽發大心。師卽讓令前行。故知一念發心。實超二乘境界。然旣發勝心。尤須勝行。行雖萬別。止觀爲要。以止觀二門。能攝能生一切行故。

㊂第三番問答亦二初問二答。①今初

外人曰。善哉願說。充滿我意。亦使餘人展轉利益。則是傳燈不絕。爲報佛恩。

佛以度生爲事。惟有傳法能報佛恩。此正大乘自

利利他之深心也。

①二答

沙門曰。諦聽善攝。爲汝說之所言。止者謂知一切諸法。從本已來。性自非有。不生不滅。但以虛妄因緣故。非有而有。然彼有法。有卽非有。唯是一心。體無分別。作是觀者。能令妄念不流。故名爲止。所言觀者。雖知本不生。今不滅。而以心性緣起。不無虛妄世用。猶如幻夢。非有而有。故名爲觀。

先誠諦聽。令生聞慧。又誠善攝。令生思慧。以階修

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

## 大乘止觀釋要一

慧也。梵語奢摩他。此翻爲止。而有三別。一體真止。二方便隨緣止。三息見思。停止真諦。見思真諦。如水與冰同一濕性。性則不當止與不止也。方便隨緣止。止息塵沙。停止俗諦。塵沙俗諦亦如冰水。性非止與不止也。息二邊分別止。止息無明。停止中諦。無明中諦亦如冰水。性非止與不止也。謂知一切諸法等者。知之一字。卽所謂作是觀之觀字。廻繇觀以入止也。一切諸法。徧指十界。十如權實性相。

所謂因緣所生法也。從本已來。性自非有。不生不滅。所謂我說卽是空也。十界俱空。不同但空而已。但以虛妄因緣故。非有而有所謂。亦名爲假名也。十界互具。不同偏假而已。然彼有法。有卽非有。唯是一心體無分別。所謂亦名中道義也。法法皆中。不同但中而已。觀卽空故。令界內外見思妄念不流。觀卽假故。令界內外塵沙妄念不流。觀卽中故。令界內外無明妄念不流。爲令易解。次第分別得意爲語。三止圓在一心之中。故爲大乘止門。梵語。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

毘鉢舍那。此翻爲觀。亦有三別。一從假入空觀。二從空入假觀。三中道第一義觀。就一一觀亦各三義。從假入空觀。穿見思。觀達真諦。見思真諦性元非二。不當觀與不觀。從空入假觀。穿塵沙觀達俗諦。塵沙俗諦性元非二。不當觀與不觀。中道妙觀。觀穿無明。觀達中諦無明中諦性元非二。不當觀與不觀也。此示觀文與止稍別。前約因緣所生。卽空假中以明妙止。則三妙觀已在其中。但是就事顯理。攝末歸本。譬如大佛頂經所明陰入處界皆

如來藏也。今言雖知本不生今不滅。卽牒上文全事卽理言之。所謂隨緣卽不變也。而以心性緣起。不無虛妄世用。猶如幻夢非有而有。迺卽指彼一切諸法。隨拈一法。無非緣起法界。所謂不變隨緣。卽性具相。俱體俱用。譬如大佛頂經所明如來藏中七大互融。方爲大乘觀門也。夫以背塵合覺。所有三止三觀。總名爲止。全體起用。所有卽寂卽炤。總名爲觀。旣非敵對之功。永異偏小之旨。得此意已廣歷下。文染淨三性。若豎若橫。種種止觀。從始

至終固非圓極。方知智者大師遍立十境。備論十乘。要不出於此矣。祇緣根有利鈍。致使說有詳略。何容重子而反輕父哉。初略標綱要竟。

(乙)二廣作分別二。初重問。二詳答。(丙)今初外人曰。余解昧識微。聞斯未能卽悟。願以方便更爲開示。

(丙)二詳答三。初許說。二立科。三解釋。(丁)今初沙門曰。然更當爲汝廣作分別。亦令未聞尋之取悟也。

丁二立科

就廣分別止觀門中作五番建立。一明止觀依止。二明止觀境界。三明止觀體狀。四明止觀斷得。五明止觀作用。

附一明止觀依止。有兩卷半文。卽慈雲所謂初卷開止觀之解者也。二明止觀境界至五明止觀作用。有卷半文。卽慈雲所謂次卷示止觀之行者也。次第者。依止卽迷悟之源。繇迷故有三性境界差別。縣有所觀境故。得辨止觀體狀。繇修止觀。便有斷

得。繇得體故。便有作用也。

(丁)三解釋卽爲五。初明止觀依止。至五明止觀作用。  
 (戊)初中二。初分科。二各釋。  
 (己)今初就第一依止中。復作三門分別。一明何所依止。二明何故依止。三明以何依止。

(乙)二各釋卽爲三。初明何所依止。  
 (壬)今初就第一依止中。復作三門分別。一明何所依止。二明何故依止。三明以何依止。  
 (癸)初中二。初標列。二釋成。  
 (辛)今初初明何所依止者。謂依止一心以修止觀也。就中復有三種差別。一出衆名。二釋名義。三辨體狀。

先標一心。次列三別也。一心。卽指吾人現前一念。介爾之心。其性元與諸佛及衆生等所謂三無差別。蓋旣全真成妄。卽復全妄是真。故名一心。非於妄心之外。別立一真心也。譬如指卽波之水性。卽漚之海性耳。

(辛)二釋成。卽爲三。初出衆名。二釋名義。三辨體狀。  
 (壬)今初

初出衆名者。此心卽是自性清淨心。又名真如。亦名佛性。復名法身。又稱如來藏。亦號法界。復名法性。如

是等名。無量無邊。故言衆名。

此畧列七種名以爲釋義之本也。

(王)二釋名義三初標章一廣釋三結成。

(癸)今初

次辨釋名義。

(癸)二廣釋爲七初釋自性清淨心至七釋法性。

(子)今初

問曰云何名爲自性清淨心耶答曰此心無始以來雖爲無明染法所覆而性淨無改故名爲淨何以故無明染法本來與心相離故云何爲離謂以無明體

是無法有卽非有以非有故無可與心相應故言離也旣無無明染法與之相應故名性淨中實本覺故名爲心故言自性清淨心也。

言此現前一念心之自性自從無始以來雖被無明染法所覆而清淨如故性不可咬譬如虛空雖被狂華於中起滅而空性無改以彼狂華體非有故不得言其與空相應是名離也非如兩物異處而名離也言中實本覺者性非有無名之爲中不同空之對有得名理非虛謬名之爲實不同空之

因色顯發。元無不覺。名爲本覺。不同空之晦昧無知。故但可以空爲喻。不可認空爲心。

(子)二釋真如

問曰。云何名爲真如。答曰。一切諸法。依此心有。以心爲體。望於諸法。法悉虛妄。有卽非有。對此虛僞法。故目之爲真。又復諸法雖實非有。但以虛妄因緣而爲生滅之相。然彼虛法生時。此心不生。諸法滅時。此心不滅。不生故不增。不滅故不減。以不生不滅。不增不減。故名之爲真。三世諸佛以及衆生。同以此一淨心。

爲體。凡聖諸法。自有差別異相。而此真心無異無相。故名之爲如。又真如者。以一切法真實如是。唯是一心。故名此一心以爲真如。若心外有法者。卽非真實。亦不如是。卽爲僞異相也。是故起信論言。一切諸法從本已來。離言說相。離名字相。離心緣相。畢竟平等。無有變異。不可破壞。唯是一心。故名真如。以此義故。自性清淨心。復名真如也。

初兩番釋真。次一番釋如。次一番合釋真如也。真者不妄。如者不異。初釋真者。一切諸法種種差別。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

悉是虛妄僞相。心則卽差別而非差別。如金卽器。器有差別。金性無差。器相是僞。金體是真也。又釋真者。諸法虛妄因緣生滅。心則卽生滅而不生滅。如金卽器。器有成壞。金無成壞。成壞卽是生滅增減之妄。無成壞者名爲真也。次一番釋如者。舉凡聖之萬殊。同真心之一體。體非有二。故言無異。相惟實相。故言無相。次合釋真如者。心外無法。法惟是心。真實如是。故名真如。引論證成。在文易見。

子三釋佛性二。初略釋二廣辨。北 ⑪ 今初

問曰。云何復名此心以爲佛性。答曰。佛名爲覺。性名爲心。以此淨心之體非是不覺。故說爲覺心也。

丑二廣辨三。初約不覺辨。二約覺辨。三釋餘疑。

寅初中二。初直明心非不覺。二雙顯。二佛性義。

卯今初

問曰。云何知此真心非是不覺。答曰。不覺卽是無明住地。若此淨心是無明者。衆生成佛無明滅時。應無真心。何以故。以心是無明故。既是無明自滅。淨心自在。故知淨心非是不覺。又復不覺滅故。方證淨心。將

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

知心非不覺也。

無明自滅淨心自在。乃約在纏真如以明非是不覺。不覺滅故方證淨心。乃約出纏真如以明非是不覺。此心雖有在纏出纏之異。而元非不覺則同也。

卯二雙顯二佛性義。

問曰。何不以自體是覺名之爲覺。而以非不覺故說爲覺耶。答曰。心體平等。非覺非不覺。但爲明如如佛故。擬對說爲覺也。是故經言。一切無涅槃。無有涅槃。

佛無有佛涅槃。遠離覺所覺。若有若無有。是二悉俱離。此卽偏就心體平等說也。若就心體法界用義以明覺者。此心體具三種大智。所謂無師智。自然智。無礙智。是覺心體本具此三智性。故以此心爲覺性也。是故須知同異之義。云何同。謂心體平等。卽是智覺。智覺卽是心體平等。故言同也。復云何異。謂本覺之義。是用在凡。名佛性。亦名三種智性。出障名智慧佛也。心體平等之義。是體。故凡聖無二。唯名如如佛也。是故言異。應如是知。

80

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

問意單取覺義答則雙非二邊。然心體實非覺與不覺。亦得說爲覺者。以具如如佛及智慧佛二義故也。約如如佛。則非覺非不覺。然旣稱佛。亦可強名爲覺矣。約智慧佛。旣具三智之用。便可直稱爲覺也。無師智。卽一切智了達十界一相。不繇他悟。故自然智。卽道種智了達三千性相無量差別。不繇作意。故無礙智。卽一切種智了達一相無相。無相無不相。一一相中。具見一切諸法真實之相。究竟邊底。無障蔽故。又無師智者。謂一切智等三智。

一心中得。不從他授故。自然智者。謂一心法爾。具足三智故。無礙智者。謂一切智三諦俱空道種智。三諦皆假。一切種智三諦並中。無隔礙故。夫如如佛與智慧佛全體卽用。全用卽體。安得非同。但智慧佛。凡夫但有其性。未彰其用。而如如佛在凡不減。在聖不增。安得非異。又復應知。智慧佛性。凡夫用雖不彰。而性元無減。如如佛性。凡夫體雖無減。而迷不自覺。則異仍非異。直是非同非異。說有同異之義耳。

(寅)二約覺辨四初辨智慧佛性。二辨報應佛性。三

辨出障佛性。四辨平等佛性。智慧佛卽自受用報身。報佛卽他受用報身。應佛卽勝劣二應及

隨類應身。出障卽果頭法身。平等卽在經法身。

如此單複三身諸佛。咸以淨心爲性。故皆得名爲覺也。

(卯)初中三。初雙許二義。二約修廣釋。

三舉喻結成。

(辰)今初

問曰。智慧佛者爲能覺淨心。故名爲佛。爲淨心自覺。故名爲佛。答曰。具有二義。一者覺於淨心。二者淨心。

自覺雖言二義體無別也。

(辰)二約修廣釋。二初約迷真起妄成不覺義。次約

返妄歸真具二覺義。

(巳)初中四。初明二熏二

出名相。三明互依。四結流轉。

(午)今初

此義云何。謂一切諸佛本在凡時。心依熏變不覺自動顯現虛狀虛狀者。即是凡夫五陰及以六塵。亦名似識似色似塵也。似識者卽六七識也。由此似識念起時。卽不了知似色等法。但是心作虛相無實。以不了故。妄執虛相以爲實事。妄執之時。卽還熏淨心。

也

初言心依熏變等者。謂一真如心。雖復體嘗不變。然法爾有隨緣之能。繇其從未悟故不免依熏而變。繇其但有性德未有修德。不覺念起妄爲明覺。此明覺者。卽是無明。無明一動三細六粗。遂具名爲顯現虛狀。所謂五陰六塵是也。受想行識。名似識。色陰名似色。六塵名似塵。皆言似者。一心所現虛妄影狀。無實體。故塵卽是色。不言可知。識卽前六識及第七識。此七皆無別體。依心而起。如水起

波故也。此明根本無明熏變力也。次言由此似識。念念等者。妄執祇是見思。亦名枝末無明。繇此無明增上熏力。令本淨心。銅蔽五濁。變作住地無明。此明枝末無明熏變力也。

(十一)二出名相

然似識不了之義。卽是果時無明。亦名迷境無明。是故經言於緣中癡。故似識妄執之義。卽是妄想。所執之境。卽成妄境界也。以果時無明熏心故。令心不覺。卽是子時無明。亦名住地無明也。妄想熏心故。令心

變動。卽是業識。妄境熏心故令心成似塵種子。似識熏心故令心成似識種子。此似塵似識二種種子。總名爲虛狀種子也。

先明似識不了之義。名爲果時迷境無明。卽界內十二因緣中無明支也。亦名爲癡。以不了境虛故。於三漏中卽無明漏。其餘見惑及三界思惑。名爲欲漏有漏。次明似識妄執之義。卽是妄想所謂三界見思惑也。次明所執之境。成妄境界。心若不執境界本虛也。次明迷境無明還熏淨心。令彼淨心。

成不覺義。此以枝末無明轉熏根本無明成現行也。次明見思妄想還熏淨心。令彼淨心舉體變動名爲業識。此以六七識現行轉熏阿梨耶識成現行也。又以妄境熏心。卽成似塵種子。謂阿梨耶中具有十一色法之種子故。以似識熏心。卽成似識種子。謂阿梨耶中具有前七識及諸心所之種子故。雖有二種種子。同一虛狀。別無實體。不過全攬一心以爲體耳。

午 三明互依

大乘止觀釋要  
然此果時無明等雖云各別熏起一法要俱時和合故能熏也。何以故。以不相離。相藉有故。若無妄想。卽無果時無明。若無無明。卽無妄想。若無似識。卽妄境。是故四種俱時和合方能現於虛狀之果。何以故。以不相離故。又復虛狀種子依彼子時無明住故。又復虛狀種子不能獨現果故。若無子時無明。卽無業識。若無業識。卽虛狀種子不能顯現成果。亦卽身體不立。是故和合方現虛狀果也。是故虛狀果中還具似識似塵虛妄無明妄執。

此明枝末根本二種無明。及前七第八若現若種皆必互依而互熏也。前云果時無明熏心以爲子時無明。妄想熏心以爲業識。似乎各別熏起。實必俱時和合方成熏義。以似識等四相藉而有。不相離故。當知現行熏起非各別矣。又色心虛狀種子必依根本無明而住。必依業識而成現行之果。旣成果已。還具六七之似識。可以熏心再成似識種子。還具十一色法之似塵。可以熏心再成似塵種子。還具虛妄果時無明。可以轉熏子時無明。還具

妄執之妄想可以轉熏業識。當知現種更互相熏。亦必俱時和合。非各別矣。

(午)四結流轉

由此義故略而說之。云不覺故動顯現虛狀也。如是果子相生無始流轉。名爲衆生。

本末無非不覺無非妄動無非虛狀。果既生子。子復生果。無始流轉。豈於心外有少許實法哉。約迷真起妄成不覺義竟。

(巳)次約返妄歸真具二覺義二。初明能覺淨心義。

二明淨心自覺義。

(午)

初中五初名字覺。二觀

行覺。三相似覺。四分真覺。五究竟覺。

(未)今初

後遇善友爲說諸法。皆一心作似。有無實聞此法已。

(未)二觀行覺

隨順修行。漸知諸法皆從心作。唯虛無實。

(未)三相似覺。又二。初正明覺於通惑。二兼明漸除

別惑。

(申)今初

若此解成時。是果時無明滅也。無明滅故不執虛狀爲實。即是妄想及妄境滅也。爾時意識轉名無塵智。

以知無實塵故。

果時無明滅。卽圓初信。妄想妄境滅。通至十信。蓋界內妄想妄境。有正有習故也。無塵智。卽妙觀察智。

(申)二兼明漸除別惑。又二。初出別惑之相。二明漸除之繇。  
酉今初

雖然知境虛。故說果時無明滅。猶見虛相之有。有卽非有本性不生。今卽不滅。唯是一心。以不知此理故。亦名子時無明。亦名迷理無明。但細於前。述事無明。

也。以彼龐滅。故說果時無明滅也。又不執虛狀爲實。故說妄想滅。猶見有虛相。謂有異心。此執亦是妄想。亦名虛相。但細於前。以彼龐滅。故言妄想滅也。又此虛境。以有細無明妄想所執。故似與心異。相相不一。卽是妄境。但細於前。以其細故。名爲虛境。又彼粗相。實執滅。故說妄境滅也。

猶見虛相之有。卽界內見惑。習氣及界外見惑。故亦名子時無明。亦名迷理無明也。猶見虛相。謂有異心。不知心無異相。及執虛境似與心異。不知心

80

1 2 3 4 5 6 7 8 9 10 1 2 3 4 5 6 7 8 9 10

外無境。此皆界內思惑習氣及界外思惑。故亦是妄想妄境也。

(酉)二明漸除之繇。又三。初因未驗本。二正明滅繇。三例後結前。(戌)今初

以此論之。非直果時迷事無明滅息。無明住地亦少分除也。若不分分漸除者。果時無明不得分分漸滅。但相微難彰。是故不說住地分滅也。今且約迷事無明滅後以說住地漸減因由。卽知一念發修已來。亦能漸減也。

此明十信位中界外見思雖未永斷。亦旣圓伏。故云無明住地亦少分除。倘無明不分分除。則見思何繇得滅。譬如樹根不搖。則枝葉必不零落。但相微難彰。故不說耳。實則一念發修圓觀之始。便已圓伏無明。何況十信位耶。

(戌)二正明滅繇

此義云何。謂以二義因緣故。住地無明業識等漸已微薄。二義者何。一者知境虛智熏心。故令舊無明住地習氣及業識等漸除也。何以故。智是明法性能治

無明故。二者細無明虛執及虛境熏心故。雖更起無明住地等。卽復輕弱不同。前述境等所熏起者。何以故。以能熏微細故。所起不覺亦卽薄也。以此義故。住地無明業識等漸已損滅也。

知境虛智卽無塵智也。智治無明。令無明薄。是漸減之緣。細無明熏所起輕弱。是漸減之因。餘可知。

(戊)三例後結前

如迷事無明滅後。旣有此義。應知一念創始發修之時。無明住地卽分減也。以其分分減故。所起智慧分

分增明。故得果時。迷事無明滅也。

一念創始發修之時。謂從名字初入觀行也。觀行位中。亦卽能知境虛。卽有知境虛智對治無明。又旣知境虛。則不執虛狀爲實。爾時龕想龕境被制伏故。不復熏心。但有細無明虛執及虛境熏心而已。無明住地安得不分減哉。又無明住地若不分減。何繇果時無明任運先滅而登圓信也。

(未)四分真覺

自迷事無明滅後。業識及住地無明漸薄故。所起虛

狀果報亦轉輕妙。不同前也。以是義故。似識轉轉明利。似色等法復不令意識生迷。以內識生外色塵等俱細利故。無塵之智倍明。無明妄想極薄。還復熏心。復令住地無明業識習氣漸欲向盡。所現無塵之智爲倍明了。如是念念轉轉熏習故。無明住地垂盡。所起無塵之智。卽能知彼虛狀果報體性非有。本自不生。今卽無滅。唯是一心體無分別。以唯心外無法故。此智卽是金剛無礙智也。

迷事無明滅。正指十信位中三界見思正習俱盡。

也。從此業識及住地無明漸薄。卽圓十住迺至十地。分分斷惑之相。所起虛狀果報亦轉輕妙。卽實報國土所有變易生死之相。不同前三界中分段故也。漸欲向盡。卽第十地相。垂盡。卽等覺相。金剛無礙智。卽金剛後心妙覺之無間道也。

未五究竟覺

此智成已。卽復熏心。心爲明智熏故。卽一念無明習氣於此卽滅。無明盡。故業識染法種子習氣。卽亦隨壞。是故經言其地壞者。彼亦隨壞。卽其義也。

其地。指無明習氣。彼指業識染法。種子習氣。金剛道後異熟空此之謂也。已上皆明能覺淨心之義。

(午) 次明淨心自覺義

種子習氣壞故虛狀永泯。虛狀泯故心體寂炤。名爲體證真如。何以故。以無異法爲能證故。即是寂炤。無能證所證之別名。爲無分別智。何以故。以此智外。無別有真。如可分別故。此即是心顯成智。智是心用。心是智體。體用一法。自性無二。故名自性體證也。

無分別智。卽大圓鏡智也。餘皆可知。已上約修廣

釋竟

(辰) 三舉喻結成

如似水靜內炤。炤潤義殊而常湛一。何以故。炤潤炤故。心亦如是。寂炤義分而體融無二。何以故。炤寂炤故。炤寂順體。寂炤順用。炤自體名爲覺於淨心體自炤。卽名爲淨心自覺。故言二義一體。此卽以無分別智爲覺也。淨心從本已來。具此智性。不增不減。故以淨心爲佛性也。此就智慧佛以明淨心爲佛性。如似水靜下。先舉喻。心亦如是下。次法合。淨心從

本下結成淨心名爲佛性。從問曰智慧佛者至此是第二約覺辨中初辨智慧佛性竟。

(卯)二辨報應佛性

又此淨心自體具足福德之性及巧用之性復爲淨業所熏出生報應二佛故以此心爲佛性也。福德性出生報佛通於自他受用巧用性出生應佛具足勝劣形儀皆繇淨業所熏此報應佛性不外於淨心也。

(卯)三辨出障佛性

又復不覺滅故以心爲覺動義息故說心不動虛相泯故言心無相然此心體非覺非不覺非動非不動非相非無相雖然以不覺滅故說心爲覺亦無所妨也。此就對治出障心體以論於覺不據智用爲覺。

雖復非覺非不覺等而以不覺滅故不妨說覺此果頭法身佛性不外於淨心也。

(卯)四辨平等佛性

又復淨心本無不覺說心爲本覺本無動變說心爲本寂本無虛相說心本平等然其心體非覺非不覺

非動非不動非相非無相。雖然以本無不覺故說爲本覺亦無所失也。此就凡聖不二以明心體爲如如佛。不論心體本具性覺之用也。

雖復非覺非不覺等。而以本無不覺故。亦不妨說爲本覺。此在纏法身佛性。凡聖不二。亦惟一淨心也。已上廣辨佛性中二約覺辨竟。

(寅)三釋餘疑四初釋執性廢修疑。二釋本有不覺疑。三釋自然因緣疑。四釋無明心性疑。

(卯)今

初

問曰。若就本無不覺名爲佛者。凡夫即是佛。何用修道爲。答曰。若就心體平等。卽無修與不修。成與不成亦無覺與不覺。但爲明如如佛故。擬對說爲覺也。又復若據心體平等。亦無衆生。諸佛與此心體有異。故經偈云。心佛及衆生。是三無差別。然復心性緣起法界法門法爾不壞。故常平等。常差別。常平等故。心佛及衆生。是三無差別。常差別故。流轉五道。說名衆生。反流盡源。說名爲佛。以有此平等義。故無佛無衆生。爲此緣起差別義故。衆生須修道。

此躡上平等法身義而起疑也。答中先明擬對說覺則如如佛。但是修之所顯。非是修之所成。次明平等不礙差別。繇有平等差別二義方成心性緣起法界法門。平等則六而常。卽差別則卽而常六。知平等故不生退屈。知差別故不生上慢也。

卯二釋本有不覺疑

問曰。云何得知心體本無不覺。答曰。若心體本有不覺者。聖人證淨心時應更不覺。凡夫未證得。應爲覺。旣見證者無有不覺。未證者不名爲覺。故定知心體

本無不覺。問曰。聖人滅不覺故得自證淨心。若無不覺云何言滅。又若無不覺。卽無衆生。答曰。前已具釋心體平等。無凡無聖。故說本無不覺。不無心性緣起。故有滅。有證。有凡有聖。又復緣起之有。有卽非有。故言本無不覺。今亦無不覺。然非不有。故言有滅。有證。有凡有聖。但證以順用入體。卽無不覺。故得驗知心體本無不覺。但凡是違用。一體謂異。是故不得證知平等之體也。

覺故以無明滅時應無真心答之。此問云何得知心體本無不覺。將謂真心具有不覺。覺與不覺二體並存。故以聖應不覺。凡夫應覺答之。次復躡起一問。意謂聖已滅不覺故應無更起不覺之理。然因中若無不覺何須言滅。又既無不覺何名衆生。答中共有三番釋疑。初一番約心體說平等約緣起說差別。次一番單約緣起中卽具平等差別二義。第三番明平等中差別之繇。繇於違順二用而體實平等也。

卯三釋自然因緣疑

問曰。心顯成智者爲無明盡故自然是智。爲更別有因緣。答曰。此心在染之時。本具福智二種之性。不少一法與佛無異。但爲無明染法所覆。故不得顯用。後得福智二種淨業所熏。故染法都盡。然此淨業除染之時。卽能顯彼二性。令成事用。所謂相好依報。一切智等。智體自是真心性照之能智。用由熏成也。

問中具有雙計。自然是智。卽計自然。別有因緣。卽計因緣。答中二番雙破。初云本具福智二性。卽非

因緣染覆不顯。卽非自然。次云。二種淨業所熏。卽非自然。顯彼二性。令成事用。卽非因緣也。體是性。焰之能用。由熏成可謂全性起修。全修在性。超諸戲論者矣。

(卯)四釋無明心性疑

問曰。心顯成智。卽以心爲佛性。心起不覺。亦應以心爲無明性。答曰。若就法性之義論之。亦得爲無明性也。是故經言明與無明。其性無二。無二之性。卽是實性也。

智如水。無明如冰。水以濕爲性。冰亦以濕爲性。若知濕性無二。則水與冰。徒有名字。惟濕爲實性耳。然就功用義。強但云水濕可耳。何必言冰濕哉。又既知冰性元濕。則決不離冰覓水。亦決不執冰爲水矣。已上釋佛性竟。

(子)四釋法身

問曰。云何名此心。以爲法身。答曰。法以功能爲義。身以依止爲義。以此心體有隨染之用。故爲一切染法之所熏習。卽以此心隨染。故能攝持熏習之氣。復能

依熏顯現染法。卽此心性能持能現二種功能。及所持所現二種染法。皆依此一心而立。與心不一不異。故名此心以爲法身。此能持之功能。與所持之氣和合。故名爲子時阿梨耶識也。依熏現法之能。與所現之相和合。故名爲果報阿梨耶識。此二識體一用異也。然此阿梨耶中。卽有二分。一者染分。即是業與果報之相。二者淨分。卽是心性及能熏淨法。名爲淨分。以其染性卽是淨性。更無別法故。由此心性爲彼業果染事所依。故說言生死依如來藏。即是法身藏也。

又此心體。雖爲無量染法所覆。卽復具足過恒河沙數無漏性功德法。爲無量淨業所熏故。此等淨性。卽能攝持熏習之氣。復能依熏顯現諸淨功德之用。卽此恒沙性淨功德。及能持能現二種功能。并所持所現二種淨用。皆依此一心而立。與心不一不異。故名此心爲法身也。

答中先明隨染法身。後明隨淨法身。中乃具明染淨二分性。元非二以結前起後也。染法淨法。俱名爲法。以俱有功能故。俱名爲身。以俱爲依止故。以

此心性能持能現二種功能。及所持所現染淨二法與心不一不異。故能持卽業識種子。能現卽業識現行。所持卽染法種子。所現卽染法現行。種不是現。現不是種。能不是所。所不是能。故言不一。離心無種。離心無現。離心無能。離心無所。故言不異。旣法法皆心。故心是法身也。能持持於所持之氣。卽是種子。故名子時阿梨耶識。氣者氣類也。能現現於所現之相。卽是現行。故名果報阿梨耶識。相者相狀也。現行亦熏種子。種子亦熏現行。約熏現

義。名爲種子。約熏種義。名爲現行。故曰體一用異已上但約隨染明法身也。然阿梨耶中。不惟具足染分。亦復具足淨分。以染淨二性更無別法。染性卽淨性故。但迷時則爲業果染事所依。妄成二死。悟時顯發無漏性功德法。具足淨用耳。淨法種現互熏。例前可知。

(子)五釋如來藏

問曰。云何復名此心爲如來藏。答曰。有三義。一者能藏。名藏。二者所藏。名藏。三者能生。名藏。所言能藏者。

復有二種。一者如來果德法身。二者衆生性德淨心。並能包含染淨二性及染淨二事無所妨礙。故言能藏名藏。藏體平等名之爲如。平等緣起。目之爲來。此卽是能藏名如來藏也。第二所藏名藏者。卽此真心而爲無明穀藏所覆藏故名爲所藏也。藏體無異無相。名之爲如。體備染淨二用。目之爲來。故言所藏名藏也。第三能生名藏者。如女胎藏能生於子。此心亦爾。體具染淨二性之用。故依染淨二種熏力。能生世間出世間法也。是故經云。如來藏者是善不善因。又

復經言。心性是一。云何能生種種果報。又復經言。諸佛正徧知海從心想而生也。故染淨平等名之爲如。能生染淨自之爲來。故言能生名如來藏也。

能藏所藏能生。並是藏義。能藏雙約在纏出纏言之所藏單約在纏言之。能生直約現前一念言之。

文並易知

(子)六釋法界

問曰。云何復名淨心以爲法界。答曰。法者法爾故。界者性别故。以此心體法爾具足一切諸法故。言法界。

(子) 七釋法性

問曰。云何名此淨心以爲法性。答曰。法者一切法性者體別義。以此淨心有差別之性。故能與諸法作體也。又性者體實不改義。以一切法皆以此心爲體。諸法之相。自有生滅。故名虛妄。此心真實。不改不滅。故名法性也。

初一釋約不變隨緣差別性。次一釋約隨緣不變真實性也。

(癸) 三結成

其餘實際實相等無量名字不可具釋。上來釋名義竟。

實者真實際者邊際心外無法法唯是心無邊際故名爲實際。無妄相故名爲實相。等者等餘法住法位及中實理心一實境界等諸名字也。

大乘止觀法門釋要卷第一

80 1 2 3 4 5 6 7 8 9 100 1 2 3 4 5 6 7 8 9

諸佛為以地爭心有苦惱。一地空無所有。故說此經。其經實相實昧。無量音字不可具數。上來釋音。其音實相實昧。無量音字不可具數。上來釋音。其音實相實昧。無量音字不可具數。上來釋音。

大乘止觀法門釋要卷第二

明古吳沙門智旭述

⑤三辨體狀二。初標科略指。二依科廣釋。癸今

初

次出體狀。所言體狀者。就中復有三種差別。一舉離相以明淨心。二舉不一不異以論法性。三舉二種如來藏以辨真如。雖復三種差別。總唯辨此淨心體狀也。

復有三別等是標科。總唯辨此句。是畧指也。或問

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

何意三種差別以辨淨心體狀。答曰。淨心體狀不可名言。諸相卽是非相。故明離相。若計有相可離。則非不異。若計相卽是心。又非不一。今言不一不異。卽是離於一異相也。然雖離一異相。不得再計非一非異之相。須知淨心不一不異。而一亦淨心異亦淨心。約一卽是如實空義。約異卽是如實不空義也。以此三義求之。而淨心體狀庶可會矣。

二依科廣釋三初舉離相以明淨心。二舉不一不異。以論法性。三舉二種如來藏以辨真如。

子初中二。初正明淨心離相。二巧示順入方便。

丑今初

第一明離相者。此心卽是第一義諦真如心也。自性圓融。體備大用。但是自覺聖智所知。非情量之能測也。故云言語道斷。心行處滅。不可以名名。不可以相相。何以故。心體離名相故。體既離名。卽不可設名以談其體。心旣絕相。卽不可約相以辨其心。是以今欲論其體狀。實亦難哉。唯可說其所離之相反相滅相而自契焉。所謂此心從本已來。離一切相。平等寂滅。

非有相。非無相。非非有相。非非無相。非亦有相。非亦無相。非去來今。非上中下。非彼非此。非靜非亂。非染非淨。非常非斷。非明非暗。非一非異等。一切四句法總說乃至非一切可說可念等法。亦非不可說不可念法。何以故。以不可說不可念對可說可念生。非自體法故。卽非淨心是故。但知所有可說可念不可說不可念等法悉非淨心。但是淨心所現虛相。然此虛相各無自實。有卽非有。非有之相亦無可取。何以故。有本不有故。若有本不有何有。非有相耶。是故當知。

淨心之體不可以緣慮所知。不可以言說所及。何以故。以淨心之外無一法故。若心外無法。更有誰能緣能說此心耶。是以應知所有能緣能說者。但是虛妄不實。故有考實無也能緣。既不實故所緣何得是實耶。能緣所緣皆悉不實。故淨心既是實法。是故不以緣慮所知也。譬如眼不自見。以此眼外更有他眼能見此眼。卽有自他兩眼。心不如是。但是一如。如外無法。又復淨心不自分別。何有能分別取此心耶。而諸凡惑分別淨心者。卽如癡人大張已眼。還覓已眼。復

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

謂種種相貌是已家眼竟不知自家眼處也是故應知有能緣所緣者但是已家淨心爲無始妄想所熏故不能自知已性卽妄生分別於已心外建立淨心之相還以妄想取之以爲淨心考實言之所取之相正是識相實非淨心也

自性圓融則不可以諸相取體備大用又不可以寂滅求所離之相謂四句百非反相謂卽流以尋源滅相謂停波以得水也眼不自見猶有他眼能見我眼心不自知更無他心能知我心以凡屬方

隅形相皆是妄想所取卽更擬一無方隅無形相者以爲淨心之相亦是妄想所取不過俱屬識情分別之相決非淨心故也餘文易知

(1)二巧示順入方便

問曰淨心之體既不可分別如諸衆生等云何隨順而能得入答曰若知一切妄念分別體是淨心但以分別不息說爲背理作此知已當觀一切諸法一切緣念有卽非有故名隨順久久修習若離分別名爲得入卽是離相體證真如也此明第一離相以辨體

狀竟

知一切妄念分別體是淨心。譬如知波是水也。但以分別不息說爲背理。譬如波浪不息說爲背水之止性也。作此知已是從名字起觀行。當觀一切諸法等。是從觀行入相似。久久修習。若離分別等。是繇相似入分真圓頓止觀之要。盡在是矣。

子二舉不一不異以論法性

次明不一不異以辨體狀者。上來雖明淨心離一切分別心及境界之相。然此諸相復不異淨心。何以故

此心體雖復平等而卽本具染淨二用。復以無始無明妄想熏習力故。心體染用依熏顯現。此等虛相無體。唯是淨心。故言不異。又復不一。何以故。以淨心之體。雖具染淨二用。無二性差別之相。一味平等。但依熏力所現虛相。差別不同。然此虛相有生有滅。淨心之體常無生滅。常恒不變。故言不一。此明第二不一。不異以辨體狀竟。

先明不異。則不於相外別覓淨心。如全水成波。則全波卽水也。次明不一。則不計差別之相。以爲淨

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

心。如波雖生滅。不可謂水有生滅也。

(子)三舉二種如來藏以辨真如。初明空義。二明不空義。雖云二種如來藏。祇是一體具二義耳。以其隨緣卽不變故。十界染淨諸法性。自非有名爲空。如來藏以其不變能隨緣故。具足染淨性相。一異難思名不空。如來藏體實非空。非不空。故能雙炤空與不空。(丑)初中二。初正明空二問答遺疑。(寅)今初

次明第三二種如來藏以辨體狀者。初明空如來藏。

何故名爲空耶。以此心性雖復緣起建立生死涅槃違順等法。而復心體平等妙絕。染淨之相。非直心體自性平等所起染淨等法。亦復性自非有。如以巾免免。免體是無。但加以幻力。故似免現。所現之免。有卽非有。心亦如是。但以染淨二業幻力所熏。故似染似淨二法現也。若以心望彼二法。法卽非有。是故經言流轉卽生死。不轉是涅槃。生死及涅槃二俱不可得。又復經言。五陰如幻。乃至大般涅槃如幻。若有法過涅槃者。我亦說彼如幻。又復經言。一切無涅槃。無有

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

涅槃佛無有佛涅槃。遠離覺所覺。若有若無有。是二悉俱離。此等經文皆據心體平等以泯染淨二用。心性既寂是故心體空淨。以是因緣名此心體爲空。如來藏。非謂空無心體也。

以平等心會差別法。但有平等之體。元無差別之實。名之爲空。猶大佛頂經所謂一非一切非。十界俱非。非但空也。

(寅)二問答遣疑五。初遣衆生現有疑。二遣何因迷妄疑。三遣無明有體疑。四遣能熏爲體疑。五遣

### 因果一異疑

(卯)今初

問曰。諸佛體證淨心可以心體平等故佛亦用而常寂說爲非有。衆生旣未證理。現有六道之殊云何無耶。答曰。真智真炤尚用卽常寂說之爲空。況迷闇妄見何得不有有疑衍一卽非有。

(卯)二遣何因迷妄疑

問曰。旣言非有。何得有此迷妄。答曰。旣得非有而妄見。何爲不得無迷而橫起迷。空華之喻於此宜陳。無迷而橫起迷。所謂迷本無因者也。旣無華而妄

見有華亦可例知無勞而妄瞪成勞矣。

卯三遣無明有體疑

問曰諸餘染法可言非有無明既是染因云何無耶答曰子果二種無明本無自體唯以淨心爲體但因熏習因緣故有迷用以心往攝用卽非有唯是一心如似粟麥本無自體唯以微塵爲體但以種子因緣故有粟麥之用以塵往收用卽非有唯是微塵無明亦爾有卽非有

卯四遣能熏爲體疑

問曰旣言熏習因緣故有迷用應以能熏之法卽作無明之體何爲而以淨心爲體答曰能熏雖能熏他令起而卽念念自滅何得卽作所起體耶如似麥子但能生果體自爛壞歸於微塵豈得春時麥子卽自秋時來果也若得爾者劫初麥子今仍應在過去無明亦復如是但能熏起後念無明不得自體不滅卽作後念無明也若得爾者無明卽是常法非念念滅旣非常故卽如燈燄前後相因而起體唯淨心也是故以心收彼有卽非有彼有非有故名此淨心爲空

如來藏也。

能熏。指過去子果二種無明。無明。指現在子果三種無明也。餘文可知。

五遣因果一異疑

問曰。果時無明與妄想爲一爲異。子時無明與業識爲一爲異。答曰。不一不異。何以故。以淨心不覺故動。無不覺卽不動。又復若無無明。卽無業識。又復動與不覺和合俱起。不可分別。故子時無明與業識不異也。又不覺自是迷闇之義。過去果時無明所熏起故。

印以彼果時無明爲因也。動者自是變異之義。由妄想所熏起故。卽以彼妄想爲因也。是故子時無明與業識不一。此是子時無明與業識不一不異也。果時無明與妄想不一不異者。無明自是不了知義。從子時無明生。故卽以彼子時無明爲因。妄想自是浪生分別之義。從業識起。故卽以彼業識爲因。是故無明妄想不一。復以意識不了境虛。故卽妄生分別。若了知虛卽不生妄執分別。又復若無無明。卽無妄想。若無妄想。亦無無明。又復二法和合俱起。不可分別。是

故不異此是果時無明與妄想不一不異也。以是義故二種無明是體。業識妄想是用。二種無明自互爲因果。業識與妄想亦互爲因果。若子果無明互爲因者卽是因緣也。妄想與業識互爲因者亦是因緣也。若子時無明起業識者卽是增上緣也。果時無明起妄想者亦是增上緣也。上來明空如來藏竟。

答中先明不一不異義次明體用因果及因緣增上緣義以此諸義惟依一心虛妄建立有卽非有故得結成空如來藏也。子時無明與業識先明不

異次明不一果時無明與妄想先明不一次明不異。繇根本無明得有業識之用。繇枝末無明得有妄想之用。故以二種無明爲體也。繇子時無明得生果時無明。復繇果時無明熏成子時無明。故二種自互爲因果。名親因緣。繇業識得起妄想。復繇妄想熏成業識。故二種亦互爲因果。亦名親因緣。若子時無明起業識。果時無明起妄想。但是異法相成。祇名增上緣也。

(五)二明不空義猶大佛頂經所謂一卽一切卽十

界俱卽非偏假也。文爲二。初總立諸科。一隨科各釋。

(寅)今初

次明不空如來藏者就中有二種差別。一明具染淨二法以明不空。二明藏體一異以釋實有。第一明染淨二法中。初明淨法。次明染法。初明淨法中復有二種分別。一明具足無漏性功德法。二明具足出障淨法。

(寅)二隨科各釋卽爲二。初明具染淨法。二明藏體一異。

(卯)初中二。初明淨法。二明染法。

(辰)初

又二。初明具足無漏性功德法。二明具足出障淨法。已今初第一具無漏性功德者卽此淨心。雖平等一味體無差別而復具有過恒沙數無漏性功德法。所謂自性有大智慧光明義故真實識知義故常樂我淨義故如是等無量無邊性淨之法。唯是一心具有。如起信論廣明也。淨心具有此性淨法故名不空。起信論云。不覺起念見諸境界故說無明。心性不起卽是大智慧光明義。若心有動非真識知。非常

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

非樂非我非淨。心性無動。卽真實識知等義。此性淨法不約德用言也。

(巳)二明具足出障淨法二。初明果性惟心所具。二

明能熏亦惟心所具。(午)今初

第二具出障淨德者。卽此淨心體具性淨功德。故能攝持淨業熏習之力。由熏力故德用顯現。此義云何。以因地加行般若智業熏於三種智性。令起用顯現。即是如來果德三種大智慧也。復以因地五波羅密等一切種行。熏於相好之性。令起用顯現。卽是如來

相好報也。然此果德之法雖有相別。而體是一心。心體具此德故名爲不空。不就其心體義明不空也。何以故。以心體平等非空不空故。

(午)二明能熏亦惟心所具

問曰。能熏淨業爲從心起。爲心外別有淨法以爲能熏耶。答曰。能熏之法悉是一心所作。此義云何。謂所聞教法。悉是諸佛菩薩心作。諸佛心菩薩心衆生心是一。故教法卽不在心外也。復以此教熏心解性。性依教熏以起解用。故解復是心作也。以解熏心行性。

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 90

性依解熏以起行用。故行復是心作也。以行熏心。果性性依行熏起於果德。故果復是一心作也。以此言之一心爲教乃至一心爲果更無異法也。以是義故。心體在凡之時。本具解行果德之性。但未爲諸佛真如用法所熏故解等未顯用也。若本無解等之性者。設復熏之。德用終不顯現也。如是真金。本有器朴之性。乃至具有成器精妙之性。但未得椎鋸而加。故器朴等用不現。後加以鉗椎。朴器成器次第現也。若金本無朴器成器之性者。設使加以功力。朴用成用終

難顯現。如似壓沙求油。鑽冰覓火。鋸木爲瓶。永不可成者。以本無性故也。是故論言。若衆生無佛性者。設使修道。亦不成佛。以是義故。淨心之體。本具因行果德性也。依此性故。起因果之德。是故此德唯以一心爲體。一心具此淨德。故以此心爲不空。如來藏也。

能熏所熏。若果若因。無不以一心爲體。心具此德。故名不空。

(辰)二明染法二。初立科二。各釋。(巳)今初

次明具足染法者就中復有二種差別。一明具足染性。二明具足染事。

(巳)二各釋二。初明具染性。二明具染事。(午)初又二。初正明。二釋疑。(未)今初

初明具足染性者此心雖復平等離相而復具足一切染法之性能生生死能作生死是故經云心性是一云何能生種種果報卽是能生生死又復經言卽是法身流轉五道說名衆生卽是能作生死也

從此有彼名之爲生舉體成彼名之爲作如水生

波舉體作波也

(未)二釋疑七初釋性不可轉疑。一釋兩性相違疑三釋兩業起滅疑四釋性不相除疑五釋互論相違疑六釋本末同滅疑七釋相違不熏疑

(申)今初

問曰若心體本具染性者卽不可轉凡成聖答曰心體若唯具染性者不可得轉凡成聖既並具染淨二性何爲不得轉凡成聖耶

(申)二釋兩性相違疑

問曰。凡聖之用既不得並起染淨之性何得雙有耶。  
 答曰。一一衆生心體。一一諸佛心體。本具二性。而無  
 差別之相。一味平等。古今不壞。但以染業熏染性故。  
 即生死之相顯矣。淨業熏淨性故。即涅槃之用現矣。  
 然此一一衆生心體。依熏作生死時。而不妨體有淨  
 性之能。一一諸佛心體。依熏作涅槃時。而不妨體有  
 染性之用。以是義故。一一衆生。一一諸佛。悉具染淨  
 二性。法界法爾。未曾不有。但依熏力起用。先後不俱。  
 是以染熏息故。稱曰轉凡。淨業起故。說爲成聖。然其

心體二性。實無成壞。是故就性說故。染淨並具。依熏  
 論故。凡聖不俱。是以經言。清淨法中。不見一法增。即  
 是本具性淨。非始有也。煩惱法中。不見一法減。即是  
 本具性染不可滅也。然依對治因緣。清淨般若轉勝。  
 現前即是淨業熏故成聖也。煩惱妄想盡在於此。即  
 是染業息故轉凡也。

(申)三釋兩業起滅疑

問曰。染業無始本有。何由可滅。淨業本無。何由得起。  
 答曰。得諸佛真如用義熏心。故淨業得起。淨能除染

故染業卽滅。

(申)四釋性不相除疑

問曰。染淨二業皆依心性而起。還能熏心。既並依性起。何得相除。答曰。染業雖依心性而起。而常違心。淨業亦依心性而起。常順心也。違有滅離之義。故爲淨除。順有相資之能。故能除染。法界法爾。有此相除之用。何足生疑。

(申)五釋互論相違疑

問曰。心體淨性能起淨業。還能熏心。淨性心體染性

能起染業。還能熏心。染性故。乃可染業與淨性不相生相熏。說爲相違。染業與染性相生相熏。應云相順。若相順者。卽不可滅。若染業雖與染性相順。由與淨性相違。故得滅者。亦應淨業雖與淨性相順。由與染性相違。故亦可得除。若二俱有違義。故雙有滅離之義。而得存淨除染。亦應二俱有順義。故並有相資之能。復得存染廢淨。答曰。我立不如是。何爲作此難。我言淨業順心。故心體淨性。卽爲順本。染業違心。故心體染性。卽是違本。若偏論心體。卽違順平等。但順本

起淨。卽順淨心不二之體。故有相資之能。違本起染。便違真如平等之理。故有滅離之義也。

(中)六釋本末同滅疑

問曰。違本起違末。便違不二之體。卽應並有滅離之義也。何故上言法界法爾具足二性不可破壞耶。答曰。違本雖起違末。但是理用。故與順一味。卽不可除。違末雖依違本。但是事用。故卽有別義。是故可滅以此義故。二性不壞之義成也。問曰。我仍不解染用違心之義。願爲說之。答曰。無明染法實從心體染性而

起。但以體闇故。不知自己及諸境界從心而起。亦不知淨心具足染淨二性而無異相。一味平等。以不知如此道理故。名之爲違。智慧淨法實從心體而起。以明利故。能知已及諸法皆從心作。復知心體具足染淨二性而無異相。一味平等。以如此稱理而知故。名之爲順。如似窮子實從父生。父實追念。但以癡故。不知已從父生。復不知父意。雖在父舍。不認其父名之爲違。復爲父誘說。經歷多年。乃知已從父生。復知父意。乃認家業受父教勅。名之爲順。衆生亦爾。以無明

故不知已身及以諸法悉從心生。復遇諸佛方便教化故隨順淨心能證真如也。

達本卽染性。違末卽染事也。染性是理用。卽與淨性體融一味。故不可除。染事是事用。招感生死。故須滅除。窮子喻無明染性。父喻本覺真心。諸佛先證我之真心。卽是同體之父。方便教化令順淨心。則無明轉爲智慧。卽染性而成淨性。但除染事。不除染性明矣。

(申)七釋相違不熏疑

問曰。旣說無明染法與心相違。云何得熏心耶。答曰。無明染法無別有體。故不離淨心。以不離淨心故。雖復相違而得相熏。如木出火炎炎。違木體而上騰以無別體。不離木故。還燒於木。後復不得聞斯譬喻。便起燈爐之執也。此明心體具足染性。名爲不空也。

木喻淨心。炎喻無明染法。燒木喻還熏淨心。借喻本欲明理。執喻便成戲論。故誠令不得起執。謂燈爐出火。何故不燒燈爐。

(丁)二明具染事

次明心體具足染事者卽彼染性爲染業熏故成無明住地及一切染法種子。依此種子現種種果報此無明及與業果卽是染事也。然此無明住地及以種子果報等雖有相別顯現說之爲事而悉一心爲體悉不在心外。以是義故復以此心爲不空也。譬如明鏡所現色像無別有體唯是一鏡而復不妨萬像區分不同。不同之狀皆在鏡中顯現故名不空鏡也。是以起信論言因熏習鏡謂如實不空。一切世間境界悉於中現不出不入不失不壞常住一心以一切法

卽真實性故以此驗之具足世間染法亦是不空如來藏也。上來明具足染淨二法以明不空義竟。

卯二明藏體一異爲三初立科二詳釋三總結

辰今初

次明藏體一異以釋實有義就中復有六種差別。一明圓融無礙法界法門。二明因果法身名別之義。三明真體在障出障之理。四明事用相攝之相。五明治感受報不同之義。六明共不共相識。

圓融無礙謂一不礙異異不礙一非一非異而異

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

大藏山叢書要二

而一乃如來藏真實法性也。約一而異故因果二種法身名別。約異而一故真體在障出障理同然事理互相融攝尚爲易解。以事攝事尤爲難知故須以巧便示之。既知法界無礙須明治惑受報不同之致。乃不執性廢修。既知凡聖同而復異須知共相不共相識。夫然後纖疑畢盡而常同常異法界法門罄無餘蘊矣。

(辰)二詳釋卽爲六。初明圓融無礙法界法門。至六  
明共不共相識。(巳)初中三。初直明法界體一。

二具明染淨性事三正明無礙圓融。

(午)今初

第一明圓融無礙法界法門者問曰。不空如來藏者爲一一衆生各有一如來藏爲一切衆生一切諸佛唯共一如來藏耶。答曰。一切衆生一切諸佛唯共一如來藏也。

空與不空其體無二。今欲辨法界非一非異卽異卽一圓融無礙之理故約不空藏爲問也。佛及衆生尚祇一如來藏豈令空與不空反有二耶。惟一藏體一切生佛各得其全是故佛圓融生亦圓融

佛無礙生亦無礙淨性與染性圓融無礙淨事與染事亦圓融無礙淨性與淨事染性與染事圓融無礙淨性與染事染性與淨事亦圓融無礙以要言之。一一佛。一一生。一一淨性。一一淨事。一一染性。一一染事無非如來藏之全體大用。非分如來藏以爲染淨性事亦不因一一染淨性事遂成多。多如來藏也。帝網之珠僅可爲片喻而已。

④二具明染淨性事二。初標章。二釋示。未今初問曰。所言藏體具包染淨者爲俱時具爲始終具耶。

答曰。所言如來藏具染淨者有其二種。一者性染性淨。二者事染事淨。如上已明也。若據性染性淨卽無始以來俱時具有。若據事染事淨卽有二種差別。一者一一時中俱有染淨二事。二者始終方具染淨二事。

⑤二釋示二。初釋性染性淨俱時具有。二釋事染事淨有二差別。申今初

此義云何謂如來藏體具足一切衆生之性。各各差別不同。卽是無差別之差別也。然此一一衆生性中

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

從本已來復具無量無邊之性。所謂六道四生苦樂。好醜壽命形量愚癡智慧等。一切世間染法及三乘因果等。一切出世淨法。如是等無量差別法性。一衆生性中悉具不少也。以是義故。如來之藏從本已來俱時具有染淨二性。以具染性故能現一切衆生等染事故。以此藏爲在障本住法身亦名佛性。復具淨性故能現一切諸佛等淨德故。以此藏爲出障法身亦名性淨法身亦名性淨涅槃也。

如來藏具足一切衆生之性。而一一衆生皆以如

來藏之全體爲性。非是藏性之少分故。仍具足一切十界染淨法性也。具染仍名本住法身亦名佛性者。欲令衆生標心於極果故。若就法性之義論之。亦得名無明性生死性等。

(申)二釋事染事淨有二差別。又二。初明一時俱具

二明始終方具。

(酉)今初

然諸一一衆生無始已來雖復各各具足染淨二性。但以造業不同故熏種子性成種子用亦卽有別。種子用別故。一時之中受報不同。所謂有成佛者。有成

80 1 2 3 4 5 6 7 8 9 100 1 2 3 4 5 6 7 8 9

二乘果者。有入三塗者。有生天人中者。復於一一趣中無量差別不同。以此論之。如來藏心之內。俱時得具染淨二事。如一時中。一切時中。亦復如是也。

此總約一切衆生元無二性故。一時具足染淨二事也。

(酉)二明始終方具

然此一一凡聖雖於一時之中受報各別。但因緣之法無定故。一一凡聖無始以來具經諸趣。無數廻返。後遇善友教修出離學三乘行及得道果。以此論之。

一一衆生始終乃具染淨二事。何以故。以一衆生受地獄身時無餘趣報。受天報時亦無餘趣報。受一趣中一身時亦無餘身報。又受世間報時不得有出世果。受出世果時無世間報。以是義故。一衆生不得俱時具染淨二事。始終方具二事也。一切衆生亦如是。是故如來之藏。有始終方具染淨二事之義也。此別約一一衆生迷本藏性。幻起染淨二事。繇情執故。不得言一時俱具也。

(午)三正明無礙圓融三初法說。二喻說。三引證。

(未) 初中五。初明無差而差之理。二明全理成事。三

明全事攝理。四明全事攝事。五結成差卽無差。

(申) 今初

問曰。如來之藏具如是等無量法性之時爲有差別。爲無差別。答曰。藏體平等。實無差別。即是空如來藏。然此藏體復有不可思議用故。具足一切法性。有其差別。卽是不空如來藏。此蓋無差別之差別也。此義云何。謂非如泥團具衆微塵也。何以故。泥團是假。微塵是實。故一一微塵各有別質。但以和合成一團泥。

此泥團卽具多塵之別。如來之藏。卽不如是。何以故。以如來藏是真實法。圓融無二故。

答中先明正義。次以喻反顯。約平等名空。約差別名不空體實。非空不空雙炤空與不空者也。但會用歸體則差卽無差。而體亦不名無差。以用非體外故。全體起用。則無差而差而用亦不名差。以體非用外故。此義云何下。恐人以泥團喻藏性。以衆塵喻諸法。設爾則諸法反爲實有。藏性反是假成。豈其然哉。言泥團是假微塵是實者。迺隨情說假。

實耳。若隨智說。則泥團衆塵並皆無性。一切惟心。既一切惟心。則微塵之藏性不少。泥團之藏性不多。一一皆是圓融無礙之真實法性矣。

(申)二明全理成事

是故如來之藏全體是一衆生一毛孔性。全體是一衆生一切毛孔性。如毛孔性。其餘一切所有世間一一法性。亦復如是。如一衆生世間法性。一切衆生所有世間一一法性。一切諸佛所有出世間一一法性。亦復如是。是如來藏全體也。

此明如來藏不變隨緣。作一切世出世法時。乃至一毛孔性。皆是舉全體而成之。非是少分藏性。以藏性真實圓融。不可割裂。非有分割故也。

(甲)三明全事攝理

是故舉一衆生一毛孔性。卽攝一切衆生所有世間法性。及攝一切諸佛所有出世間法性。如舉一毛孔性。卽攝一切法性。舉其餘一切世間一一法性。亦復如是。卽攝一切法性。如舉世間一一法性。卽攝一切法性。舉一切出世間所有一一法性。亦復如是。卽攝

80 1 2 3 4 5 6 7 8 9 100 1 2 3 4 5 6 7 8 9

一切法性。

此明一切法隨緣不變全事卽理。無有一毛孔許而爲藏性全體。旣是藏性全體。卽是一切世出世法性之全體。以無事外之理故也。

申四明全事攝事

又復如舉一毛孔事。卽攝一切世出世事。如舉一毛孔事。卽攝一切事。舉其餘世間出世間中一切所有。隨一一事。亦復如是。卽攝一切世出世事。何以故。謂以一切世間出世間事。卽以彼世間出世屬性爲體。

故是故世間出世間性。體融相攝故。世間出世間事亦卽圓融相攝無礙也。

此明隨一一事旣全攬藏性之理。必盡攝藏性所具世出世間之事。以旣無事外之理。尤必無理外之事故也。以一事遍攝法界之事。是名事事無礙法界。

⑨五結成差卽無差

是故經言心佛及衆生。是三無差別。

前云藏體具足。一切法性。卽是無差別之差別。今

80 1 2 3 4 5 6 7 8 9 100 1 2 3 4 5 6 7 8 9

隨舉一毛孔事。卽具世出世事。則一一毛孔。皆是藏性全體大用。當知差別卽無差別矣。是故心則具佛法及衆生法。佛則具心法及衆生法。衆生則具心法及與佛法。俱是能具。俱是所造。俱是能造。俱是所造。不可謂心但是能具。能造佛及衆生。但是所具所造也。

(未)二喻說亦五。初喻無差而差之理。二喻全理成事。三喻全事攝理。四喻全事攝事。五結顯差。卽無差。(申)今初

譬如明鏡體具一切像性。各各差別不同。卽是無差別之差別也。若此鏡體本無像性差別之義者。設有衆色來對像。終不現。如彼燭火雖復明淨。不能現像者。以其本無像性也。旣見鏡能現像。定知本具像性。以是義故。此一明鏡於一時中。俱能現於一切淨穢等像。而復淨像不妨於穢像。不妨於淨。無障無礙。淨穢用別。雖然有此像性像相之別。而復圓融不異。唯是一鏡。

明鏡中像性像相。元無差別。以喻空如來藏體具

80

1

2

3

4

5

6

7

8

9

90

1

2

3

4

5

6

7

8

9

像性。能現像相。以喻不空如來藏也。餘可知。

(申)二喻全理成事

何以故。謂以此鏡全體是一毛孔像性故。全體是一切毛孔像性故。如毛孔像性。其餘一一微細像性。一一麤大像性。一淨像性。一穢像性等。亦復如是。是鏡全體也。

若非鏡之全體不能現於一毛。故隨現一毛皆即鏡之全體功能。非少分鏡體也。

(申)三喻全事攝理

是故若舉一毛孔像性。卽攝其餘一切像性。如舉一毛孔像性。卽攝一切像性。舉其餘一一像性。亦復如是。卽攝一切像性也。

旣一一毛孔皆舉鏡之全體所現。則以鏡之全體爲性。旣以鏡之全體爲性。則以能現一切羣像之性爲性矣。

(申)四喻全事攝事

又若舉一毛孔像相。卽攝一切像相。如舉一毛孔像相。卽攝一切像相。舉其餘一一像相。亦復如是。卽攝

80 1 2 3 4 5 6 7 8 9 10 1 2 3 4 5 6 7 8 9 100 1 2 3 4 5 6 7 8 9

一切像相。何以故。以一切像相。卽以彼像性爲體故。是故一切像性體融相攝。故一切像相亦卽相融相攝也。

像相別無自體。卽以鏡性而成其相。鏡性本具一切像相。則此全攬鏡性所成之一毛像相。安得不全攝一切像相哉。

(申)五結顯差卽無差

以是譬故。一切諸佛。一切衆生。同一淨心。如來之藏。不相妨礙。卽應可信。

如一一像各攬全鏡之性。各攝羣像之相。則一切諸佛。一切衆生。各攬全體。如來藏性。各具法界。差別之事。復何疑哉。

(未)三引證。又三初引襍華。二引起信。三引辨經。

(申)今初

是故經言。譬如明淨鏡。隨對面像現。各各不相知業性。亦如是。此義云何。謂明淨鏡者。卽喻淨心體也。隨對者。卽喻淨心體。具一切法性。故能受一切熏習。隨其熏別。現報不同也。面者。卽喻染淨二業也。像現者。

80 1 2 3 4 5 6 7 8 9 90 1 2 3 4 5 6 7 8 9 100

卽喻心體染淨二性依熏力故現染淨二報也。各各不相知者。卽喻淨心與業果報各不相知也。業者染淨二業合上面也。性者。卽是真心染淨二性合上明鏡具一切像性也。亦如是者總結成此義也。又復長行問云。心性是一者。此據法性體融說爲一也。云何能生種種果報者。謂不解無差別之差別。故言云何能生種種果報也。

此偈出華嚴經。先引偈。次釋。復引長行證成文並可知。

(申) 二引起信

此修多羅中喻意。偏明心性能生世間果報。今卽通明能生世出世果。亦無所妨。也是故論云。三者用大。能生世間出世間善惡因果。故以此義故。一切凡聖一心爲體。決定不疑也。

先牒華嚴喻意。但說能生世間果報。然實藏性具生世出世果。故再引起信以證成之。

(申) 三引辨經

又復經言。一切諸佛法身。唯是一法身者。此卽證知

大乘上觀釋要二

一切諸佛同一真心爲體。以一切諸佛法身是一。故一切衆生及與諸佛卽同一法身也。何以故。修多羅爲證故。所證云何謂卽此法身流轉五道。說名衆生反流盡源說名爲佛。以是義故。一切衆生。一切諸佛唯共一清淨心如來之藏平等法身也。此明第一圓融無礙法界法門竟。

旣言一切諸佛唯一法身。又言法身流轉說名衆生。則衆生與佛決非二體明矣。不二而二。生佛宛然二而不二。互融互攝。故名圓融無礙法界法門。

(巳)二明因果法身名別之義二初正明二釋疑

(午)初中二初標章二解釋

未今初

次明第二因果法身名別之義。問曰。旣言法身唯一。何故上言衆生本住法身。及云諸佛法身耶。答曰。此有二義。一者以事約體說此二名。二者約事辨性。以性約體說此二名。

事者。十界染淨之事。體者。如來藏也。藏體無別。但以染淨之事。皆從藏體而起。故約事以名體。卽有因法身果法身之別也。性者。十界染淨之性。藏體

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

大乘止觀釋要二

既成染淨事。便可驗知具染淨性。故云約事辨性體實非染非淨。但以染淨之性。皆卽藏體所具。故約性以名體。亦有因法身果法身之別也。約事卽約事造三千。約性卽約理具三千。事理兩重三千。同居一念。故知二種法身義別。總一如來藏心。

(未)二解釋二初釋約事二釋約性。

(申)今初

所言以事約體說二法身者。然法身雖一。但所現之相。凡聖不同。故以事約體說言諸佛法身。衆生法身之異。然其心體平等。實無殊二也。若復以此無二

之體。收彼所現之事者。彼事亦卽平等。凡聖一味也。譬如一明鏡能現一切色像。若以像約鏡。卽云人像體鏡。馬像體鏡。卽有衆鏡之名。若廢像論鏡。其唯焉。若復以此無二之鏡體收彼人馬之異像者。人馬之像亦卽同體無二也。淨心如鏡。凡聖如像類此可知。以是義故。常同常別。法界法門以常同故。論云平等真法界。佛不度衆生。以常別故。經云而常修淨土。教化諸衆生。此明約事辨體也。

文中先正明。次立喻。三法合正明中。先不二而二。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大乘止觀釋要二

次二而不二。喻合可知。

(申)二釋約性

所言約事辨性。以性約體。說有凡聖法身之異名者。所謂以此真心能現淨德故。卽知真心本具淨性也。復以真心能現染事故。卽知真心本具染性也。以本具染性故。說名衆生法身。以本具淨性故。說名諸佛法身。以此義故。有凡聖法身之異名。若廢二性之能以論心體者。卽非染非淨。非聖非凡。非一非異。非靜非亂。圓融平等。不可名目。但以無異相故。稱之爲一。

復是諸法之實。故名爲心。復爲一切法所依止。故名平等法身。依此平等法身。有染淨性。故得論凡聖法身之異。然實無有別體爲凡聖二種法身也。是故道一切凡聖同一法身。亦無所妨。何以故。以依平等義故。道一一凡一一聖各別法身。亦無所失。何以故。以依性别義故。

文中以此真心能現等。正約事以辨性也。以本具染淨性等。乃以性而約體也。若廢二性之能等。融拂凡聖二性。明其無二體也。是故道一切凡聖等。

明其圓融無礙。不妨說同說別也。

(午)二釋疑三。初釋習性疑。二釋有性疑。三釋立名疑。(未)今初

問曰。如來之藏體具染淨二性者。爲是習以成性。爲是不改之性耶。答曰。此是理體用不改之性。非習成之性也。故云佛性大王。非造作法焉可習成也。佛性卽是淨性。旣不可造作故。染性與彼同體。是法界法爾。亦不可習成。

性有二義。一者始終不改義。二者熏習成種義。今

約理體之用。名之爲性。非約習成也。佛性名爲大王者。以具自在統攝之全能故。

(未)二釋有性疑

問曰。若如來藏體具染性能生生死者。應言佛性之中有衆生。不應言衆生身中有佛性。答曰。若言如來藏體具染性能生生死者。此明法性能生諸法之義。若言衆生身中有佛性者。此明體爲相隱之語。如說一切色法依空而起。悉在空內。復言一切色中。悉有虛空。空喻真性。色喻衆生。類此可知。以是義故。如來

藏性能生生死。衆生身中悉有佛性。義不相妨。

(末)三釋立名疑

問曰。真如出障。旣名性淨涅槃。真如在障應名性染生死。何得稱爲佛性耶。答曰。在纏之實。雖體具染性。故能建生死之用。而卽體具淨性故。畢竟有出障之能。故稱佛性。若據真體具足染淨二性之義者。莫問在障出障。俱得稱爲性淨涅槃。並合名性染生死。但名涉事染化儀有濫。是故在障出障。俱匿性染之義也。又復事染生死。唯多熱惱。事淨涅槃偏足清涼。是

以單彰性淨涅槃爲欲起彼事淨之泥洹。便隱性染輪迴。冀得廢斯事染之生死。若孤題性染惑者。便則無羨於真源。故偏導清升。愚子遂乃有欣於實際。是故在障出障。法身俱隱性染之名。有垢無垢。真如並彰性淨之號。此明第二因果法身名別之義竟。

若論法性平等。名字性空。不惟在障可名性染生死。縱令出障。亦可名性染生死也。但以稱爲佛性。可引物情。名爲染性。徒增惑結。喻如荀卿性惡之論。無益斯民。孟軻性善之稱。有裨世道多矣。

(巳)三明真體在障出障之理。二初正明。二釋疑。

(午)初中三。初明體性本融。二明約用差別。三明用不違體。(未)今初

次明第三在障出障之義問曰。既言真如法身平等無二。何得論在障出障有垢無垢之異耶。答曰。若論心體平等。實無障與不障。不論垢與不垢。若就染淨二性。亦復體融一味。不相妨碍。

(未)二明約用差別

但就染性依熏起故。有障垢之名。此義云何謂以染

業。薰於真心違性故。性依熏力。起種種染用。以此染用。違隱真如順用之焰性故。卽說此違用之暗以爲能障。亦名爲垢。此之垢用。不離真體故。所以卽名真如心爲在障法身。亦名爲有垢真如。若以淨業薰於真心順性故。性依熏力。起種種淨用。能除染用之垢。以此淨用。順顯真心體焰之明性故。卽說此順用之焰。以爲圓覺大智。亦卽名大淨波羅密。然此淨用不離真體故。所以卽名真心爲出障法身。亦名無垢真如。以是義故。若總據一切凡聖以論出障在障之義。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

卽真如法身於一時中。並具在障出障二用。若別據一凡聖以論在障出障之義。卽真如法身始終方具在障出障二事也。

問答大集經釋密然染無垢無障無不  
未三明用不違體。然此有垢無垢在障出障之別。但約於染淨之用說也。非是真心之體。有此垢與不垢障與不障。

用分染淨而體自平等。是故染亦不名垢障。淨亦不名不垢不障也。初正明竟。

卷二 釋疑

問曰。適用旣論爲垢障違性應說爲礙染。答曰。其是障性垢性。亦得名爲性障性垢。此蓋平等之差別。圓融之能所。然卽唯一真心。勿謂相礙不融也。問曰。旣言有平等之差別能所。亦應有自體在障出障耶。答曰。亦得有此義。謂據染性而說。無一淨性而非染。卽是自體爲能障。自體爲所障。自體爲在障。就淨性而論。無一染性而非淨。卽是自體爲能除。自體爲所除。自體爲出障。是故染以淨爲體。淨以染爲體。染是淨。淨是染。一味平等。無有差別之相。此是法界法門常

同常別之義。不得聞言平等。便謂無有差別。不得聞言差別。便謂垂於平等也。此明第三在障出障之義竟。

初一畧問答。許其性障性垢之名。而無相礙不融之義。以惟一真心故。次一畧問答。許其自體在障出障之義。而無平等差別互垂之情。以常同常別故。

(乙)四明事用相攝之相二。初以理曲明。二以事巧示。(午)初中二。初正明相攝。二兼破餘疑。(未)

初又二。初相攝。二相卽。(甲)今初

次明第四事用相攝之相。問曰。體性染淨。既得如此圓融。可解少分。但上言事法染淨。亦得無礙相攝。其相云何。答曰。若偏就分別妄執之事。卽一向不融。若據心性緣起依持之用。即可得相攝。所謂一切衆生悉於一佛身中起業招報。一切諸佛復在一衆生毛孔中修行成道。此卽凡聖多少以相攝。若十方世界內纖塵而不迄。三世時劫入促念而能容。此卽長短大小相收。是故經云。一一塵中顯現十方一切佛土。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

又云。三世一切劫解之卽一念卽其事也。又復經言。過去是未來。未來是現在。此是三世以相攝。其餘淨穢好醜。高下彼此明暗一異。靜亂有無等。一切對法及不對法。悉得相攝者。蓋由相無自實。起必依心。心體旣融。相亦無礙也。

第一章中。具明性染性淨。事染事淨。及全理成事全事攝理。全事攝事。圓融無礙法界法門。但理事互攝。猶可依通。以事攝事。誠難思議。故躡前而起問也。答中先拂妄情所執。次以緣起依持之用而

融攝之。蓋旣全心起相。全相卽心。安得不一相卽一切相耶。質問續問。歸入齊觀。並被以對。甲二相卽

問曰。我今一念卽與三世等耶。所見一塵卽共十方齊乎。答曰。非但一念與三世等。亦可一念卽是三世時劫。非但一塵共十方齊。亦可一塵卽是十方世界。何以故。以一切法唯一心故。是以別無自別。別是一心。心具衆用。一心是別。常同常異法界法爾。

以別是一心故常同。以一心是別故常異。常同故

言相卽。常異故言相攝同異俱不思議。相攝相卽。

豈復有二體哉。初正明相攝竟。

(未)二兼破餘疑五。初破凡聖不同疑。二破聖無別相疑。三破世諦差別疑。四破世諦攝事疑。五破

濫同神我疑。

(申)今初

問曰。此之相攝既理實不虛。故聖人卽能以自攝他。以大爲小。促長演短。合多離一。何故凡夫不得如此。答曰。凡聖理實同爾圓融。但聖人稱理施作。所以告成。凡夫情執垂旨。是故不得。

(坤)二破聖無別相疑

問曰。聖人得理便應。不見別相。何得以彼小事以包納大法。答曰。若據第一義諦真如平等實無差別。不妨卽寂緣起。世諦不壞而有相別。

此明聖人旣悟第一義諦不壞世諦。不同凡夫二

諦俱迷。

(艮)三破世諦差別疑

問曰。若約真諦本無衆相。故不論攝與不攝。若據世諦。彼此差別。故不可大小相收。答曰。若二諦一向異

體可如來難。今既以體作用名爲世諦。用全是體名爲真諦。寧不相攝。

(申)四破世諦攝事疑

問曰體用無二。只可二諦相攝。何得世諦還攝世事。答曰今云體用無二者。非如攬衆塵之別用。成泥團之一體。但以世諦之中。一一事相。即是真諦全體。故云體用無二。以是義故。若真諦攝世諦中。一切事相。得盡。卽世諦中。一一事相。亦攝世諦中。一切事相皆盡。如上已具明此道理。竟不須更致餘詰。

(甲)五破濫同神我疑

問曰若言世諦之中。一一事相。卽是真諦全體者。此則真心遍一切處。與彼外道所計神我遍一切處。義有何異耶。答曰外道所計心外有法。大小遠近。三世六道。歷然是實。但以神我微妙廣大。故遍一切處。猶如虛空。此卽見有實事之相。異神我神我之相異實事也。設使卽事計我。我與事一。但彼執事爲實。彼此不融。佛法之内。不如是知。一切法悉是心作。但以心性緣起。不無相別。雖復相別。其唯一心爲體。以體

爲用故言實際無處不至。非謂心外有其實事。心遍在中。名爲至也。

外道神我之計復有二別。一者計異物是我。二者計卽物是我。雖有二計總不達。一切惟心。心外無物。故與大乘法門不同。初以理曲明竟。

午二以事巧示二。初許示二正示。未今初此事用相攝之義難知。我今方便令汝得解。汝用我語不外人曰。善哉受教。

事事無礙法界不離衆生日用之間。迷者不覺。高

推聖境。故今更就事以巧示之也。

未二正示二。初示大小相攝相卽。二示時劫相攝相卽。申今初

沙門曰。汝當閉目憶想身上一小毛孔卽能見不外人憶想一小毛孔已。報曰。我已了了見也。沙門曰。汝當閉目憶想作一大城。廣數十里。卽能見不外人想作城已。報曰。我於心中了了見也。沙門曰。毛孔與城大小異不。外人曰異。沙門曰。向者毛孔與城。但是心作不。外人曰是心作。沙門曰。汝心有小大耶。外人曰

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

心無形相焉可見有大小。沙門曰。汝想作毛孔時爲減小許心作爲全用一心作耶。外人曰。心無形段焉可減小許用之。是故我全用一念想作毛孔也。沙門曰。汝想作大城時爲只用自家一念作爲更別得他人心神共作耶。外人曰。唯用自心作城更無他人心也。沙門曰。然則一心全體唯作一小毛孔復全體能作大城。心既是一無大小故。毛孔與城俱全用一心爲體當知毛孔與城體融平等也。以是義故。舉小收大無大而非小。舉大攝小無小而非大。無小而非大。

故大入小而大不減。無大而非小。故小容大而小不增。是以小無異增故。芥子舊質不改。大無異減故。須彌大相如故。此卽據緣起之義也。若以心體平等之義望彼。卽大小之相本來非有。不生不滅。唯一真心也。

全舉心體而成一毛孔。全舉心體而成一大城。此不變隨緣之用也。大亦唯心。大無大相。小亦唯心。小無小相。大小生時心不生。大小滅時心不滅。心既不生不滅。則唯心之大小全體卽心。故亦卽不

生不滅此隨緣不變之體也。旣全體起用。全用卽

體寧。不全用攝。一切用耶。

**(申)**二示時劫相攝相卽。我今又問汝。汝嘗夢不外人曰。我嘗有夢。沙門曰。汝曾夢見經歷十年五歲時節以不。外人曰。我實曾見歷涉多年。或經旬月時節亦有晝夜與覺無異。沙門曰。汝若覺已。自知睡經幾時。外人曰。我旣覺已。借問他人。言我睡始經食頃。沙門曰。奇哉。於一食之頃。而見多年之事。以是義故。據覺論夢。夢裏長時便則不

實。據夢論覺。覺時食頃亦則爲虛。若覺夢據情論。卽長短各論。各謂爲實。一向不融。若覺夢據理論。卽長短相攝。長時是短。短時是長。而不妨長短相別。若以一心望彼。則長短俱無。本來平等一心也。正以心體平等。非長非短故。心性所起長短之相。卽無長短之實。故得相攝。若此長時自有長體。短時自有短體。非是一心起作者。卽不得長短相攝。又雖同一心爲體。若長時則全用一心而作。短時卽減少許心作者。亦不得長短相攝。正以一心全體復作短時。全體復作

80

1

2

3

4

5

6

7

8

9

10

11

12

13

14

15

16

17

18

19

長時故得相攝也。是故聖人依平等義故。卽不見三世時節長短之相。依緣起義故。卽知短時長體融相攝。又復聖人善知緣起之法。唯虛無實。悉是心作。是心作故。用心想彼七日以爲一劫。但以一切法本來皆從心作。故一劫之相。隨心卽成。七日之相。隨心卽謝。演短旣爾。促長亦然。若凡夫之輩。於此緣起法上妄執爲實。是故不知長短相攝。亦不能演短促長也。此明第四事用相攝之相竟。

唯心之長可以作唯心之短。唯心之短可以作唯

心之長。故得相攝。長亦唯心。長無長相。短亦唯心。短無短相。故得相卽也。餘例上可解。

### 大乘止觀法門釋要卷第二



80

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10



水皆從心作活。故相隨也。成七日。  
卽謂演短既爾。復長亦然。若凡夫之執於身。  
大乘止實去門。要卷卒。和歸。不能不識。  
則無惑。昧於輪林。而於餘土下。彈。  
亦之更端。昧於吾。而無以解哉。此或亦。

80

1 2 3 4 5 6 7 8 9 10 11 12 13 14 15 16 17 18 19 100 101 102 103 104 105 106 107 108 109 1000

十五